

Agencije Plana implementacije imovinskih zakona (PLIP) objavile statističke podatke za oktobar 2002.god. kao i novi Upitnik PLIP-a

Agencije Plana implementacije imovinskih zakona – OHR, UNHCR, OSCE, CRPC i UNMIBH- žele objaviti rezultate implementacije imovinskih zakona za oktobar 2002. godine. Sveukupna stopa implementacije je dostigla 64 procenta u mjesecu oktobru, što predstavlja povećanje od dva procenta u odnosu na prethodni mjesec na teritoriju cijele zemlje.

U Distriktu Brčko, 70 procenata imovine je vraćeno u posjed uz povećanje ove stope za 4 procenta u mjesecu oktobru, dok se stopa implementacije u Federaciji povećala za dva procenta te iznosi 68 procenata, a RS je zabilježila povećanje od jednog procenta u odnosu na mjesec septembar, tako da ova stopa za oktobar iznosi 57 procenata. Od ukupno 254.730 zahtjeva za povrat imovine podnesenih u cijeloj BiH, još približno 92.000 ovih zahtjeva se treba riješiti.

Agencije Plana implementacije imovinskih zakona (PLIP) bi također željele da obavijeste javnost da je ovog mjeseca prezentiran i izmijenjeni Upitnik Plana implementacije imovinskih zakona (PLIP), koji će se početi primjenjivati od početka 2003. godine. Cilj ovog upitnika je da se dobiju detaljniji podaci, što će rezultirati boljim prepoznavanjem rada stambenih organa na cijelom teritoriju zemlje. Objavljena verzija statističkih podataka PLIP-a će biti neznatno promijenjena kako bi odrazila izmjene koje su napravljene u ovom Upitniku. U objavljenjnoj verziji za 2003. god. bit će uvedena nova rubrika o hronološkom rasporedu obrade zahtjeva

za povrat imovine prema Novom strateškom smjeru kako bi se osigurala veća transparentnost kada je u pitanju rad stambenih ureda, te objavljivanje informacija korisnih za podnosiocima ovih zahtjeva u cijeloj BiH.